

文淵樓叢書

選學膠言

第士冊

選學膠言目錄

卷十一

晉百官名

江行

三輔決錄注

死歸泰山

王仲宣亡不在徐陳應劉後

丁儀丁廙

白馬王詩當六段

六月誤七月

廣武壯武不同

斥丘

丁敬禮寡婦賦

全彥先

重贈

苟無凌風翻徘徊守故林二句

改黃爲皇

洗當作洒

贈婦詩誤

劉盧贈答

二族三孽

黨讐

荃

謝康樂

西陵

曹娥江卽浦陽

始寧墅

張邴之張非張良

王太常

淮讀惟

西府疑卽西州

溫麗

司字仄聲

陸機入洛之年

陶詩止書甲子

辛丑

縈當爲營

孤嶼

崩波

丹陽

澄江如練

王遲非新安太守

仲宣從軍非一時所作

相公

饗軍

從軍詩脫句

引羽獵賦有脫字

外孫嵇侃校字

選學膠言卷十一

錢唐張雲璈仲雅述

詩

晉百官名

王仲宣贈蔡子篤

題下注引晉百官名曰蔡睦字子篤爲尙書胡中丞
云晉上當有魏字隋經籍志魏晉百官名五卷晉百
官名三十卷並載皆無撰人姓名晉書蔡謨傳曾祖
睦魏尙書可見此所引乃魏晉百官名非晉百官名
也各本皆譌脫

江行

通學膠言
濟岱江行邈焉異處胡中丞云江行之行當作衡各
本并注皆譌爲行絕不可通何校云藝文類聚作衡
亦是一證

三輔決錄注

王仲宣贈士孫文始

題下注引三輔決錄趙岐注胡中丞云陳校趙岐二
字衍三輔決錄晉摯虞注下云於今詩猶存卽虞自
謂作注之時耳

死歸泰山

劉公幹贈五官中郎將

日知錄云後漢書方術傳許峻自云嘗病篤三年不
愈乃謁泰山請命烏桓傳死者神靈歸赤山赤山在

遼東西北數千里如中國人死者魂神歸泰山也三國管輅傳輅謂其弟曰但恐至泰山治鬼不得治生人如何古辭怨詩行云齊度游四方各繫泰山錄人間樂未央忽然歸東嶽陳思王驅車篇魂神所繫屬逝者感斯征劉楨贈五官中郎將云常恐游岱宗不復見故人應璩百一詩云年命在桑榆東嶽與我期然則鬼論之興其在東京之世乎雲璩按注引援神契曰太山天帝孫也主召人魂緯書出於哀平以前已有此說是不僅東京之世矣

百一詩云云今無之未知顧氏何據

王仲宣亡不在徐陳應劉後

曹子建又贈丁儀王粲

從軍度函谷驅馬過西京注引魏志曰建安二十年
公西征張魯何氏曰魏志建安二十三年秋七月治
兵遂西征劉備九月至長安此其事也征魯未嘗至
長安自陳倉以出散關注誤李氏以爲征張魯時作
者蓋以魏志王粲傳粲以建安二十一年從征吳二
十二年春道病卒若二十三年西征爲粲已亡故也
考文帝書徐陳應劉一時俱逝獨不言粲則粲之亡
在二十二年後矣雲璈按傳旣明言二十二年粲道
病卒似不當在後王粲傳文帝爲五官將及平原侯
植皆好文學粲與徐幹陳琳阮瑀應瑒劉楨並見友

善所謂建安七子也瑀以十七年卒琳瑒楨二十二
年卒五人俱逝雖不數粲但後云仲宣續自善於辭
賦惜其體弱不足以起其文又諸子雖爲未及古人
自一時之雋也今之存者已不逮矣旣言存者不逮
則作書之時粲與應劉輩俱亡槩可知矣或少後耳

丁儀丁廙

丁廙文選作丁翼魏志作廙

丁儀丁廙魏志無傳附見於王粲傳中雲敷按陳壽
豈但不爲二丁立傳其於陳思王傳中云植旣以才
見異而丁儀丁廙楊修等爲之羽翼於衛臻傳云太
祖久不立太子方奇異臨菑侯丁儀等爲之羽翼又

送學膳言
毛玠徐奕何夔桓階之流皆鯁臣碩輔儀等交構其
衆疏斥之審是安得爲立傳乎

白馬王詩當六段

曹子建贈白馬王彪

贈白馬王詩注分爲七引領情內傷以上注曰其一
雲敷按此篇體格逐段蟬聯而下如我馬元以黃下
卽云夕黃猶能進攬轡止踟躕下卽云踟躕亦何畱
撫心長太息下卽云太息將何爲咄喅令心悲下卽
云心悲動我神能不懷苦辛下卽云苦辛何慮思且
每段換韻謝靈運酬從弟惠連亦是此體若引領句
下接太谷何寥廓山樹鬱蒼蒼旣不蟬聯又不換韻

與通篇之體格戾矣宜以發端謁帝承明廬至我馬
各以黃爲其一當共分六段不當云七也

黃士珣曰藝苑卮言云陳思王贈白馬王詩全法
大雅文王之什體以故首二章不相承後人不知
合而爲一可笑也考大雅文王篇亦分七章章章
蟬聯其次章首句疊疊文王與首章末句不相屬
故卮言有此論其實疊疊文王句是承上章文王
陟降句來中間偶隔在帝左右一句耳首二章非
竟不相承也詩七章章八句而每章之腰復用蟬
聯而下其體與陳思小異

六月誤七月

霖雨泥我塗流潦浩縱橫中達絕無軌改轍登高岡
注引魏志曰黃初四年七月大雨伊洛溢流雲璩按
志是六月言七者注誤也詩中所言乃實事何氏謂
不直言有司禁其同塗而託之淫潦改轍恐傷國家
親親之恩也其解亦迂詩中已明言本圖相與偕中
更不克俱又言蒼蠅間白黑讒巧令親疏何必多此
委曲

廣武壯武不同

何敬祖贈張華

周旋我陋圃西瞻廣武廬注引臧榮緒晉書吳滅封

張華廣武侯雲璈按今晉書作壯武故庾子山傷心賦云張壯武之心疾羊南城之淚流壯武本漢宋昌所封括地志云壯武故城在萊州卽墨縣西六十里古萊夷國詩作廣武與史異

按晉書本傳先封廣武侯繼封壯武郡公

斥丘

陸士衡贈馮文羆遷斥丘令

按水經注洹水又北逕斥丘縣故城西縣南角有斥丘蓋因丘以氏縣故乾侯矣春秋傳公如晉次於乾侯漢高六年封唐厲爲侯國王莽之利丘矣汪韓門先生云注引晉百官名云外兵郎馮文羆集云文羆爲太子洗馬遷斥丘令斥丘今直隸廣平府成安縣

也又贈馮文黹五言云佇立望朔塗悠悠迴且深注馮在斥丘故云朔塗此與四言陟彼朔垂語正同府志作馮黹不詳其字又譌作肥鄉而成安縣志無考

歷代皆爲斥丘高齊始改爲成安

丁敬禮寡婦賦 陸士衡答賈長淵

如彼墜景句注引丁敬禮寡婦賦曰日亹亹以西墜胡中丞云潘安仁寡婦賦注屢引丁儀妻寡婦賦其日杳杳而西匿句注引此文然則禮下脫一妻字各本皆脫儀字正禮疑一字德禮奏彈王源注引丁德禮勵志賦蓋儀作也又赴洛道中作詩注引丁儀寡

婦賦亦脫妻字雲璈按丁儀字正禮翼字敬禮儀之弟也魏志作廙注引丁敬禮寡婦賦而脫妻字尤誤中之誤

全彥先 陸士衡爲顧彥先贈婦

注云五言集云爲全彥先作今云顧彥先誤也雲璈按三國志吳有全琮字子璜彥先或其後裔後士龍詩亦誤玉臺新詠亦作顧彥先

重贈 陸士衡贈馮文羆

前有贈馮文羆遷斥丘令今又贈之五臣注重贈也雲璈按前是馮將去而贈其行此蓋不見而贈以寄

懷也與劉越石贈盧諶不同

苟無凌風翻徘徊守故林二句

胡中丞云袁茶二本無此二句及注莊子曰鵲巢於高榆之巔巢折凌風而起十六字故林謂吳必作於出補吳王郎中令時故云爾潘安仁爲賈長淵贈詩旋反桑梓帝弟作弼或云左宦清塗攸失亦卽此意有者是

改黃爲皇

潘安仁爲賈謐作贈陸機

神農更黃軒轅承紀注引史記曰軒轅爲天子代神農氏是爲黃帝雲璈按文義甚明不知何氏義門何

以必欲改黃爲皇謂五帝更三皇又云古人黃皇通
用未詳所據

洗當作洒

吾子洗然胡中丞云洗當作洒注兩引皆作洒今禮
記玉藻莊子庚桑楚皆本作洒字陸氏釋文可證也

贈婦詩誤

陸士龍爲顧彥先贈婦

陸士衡爲顧彥先贈婦乃一贈一答而俱云贈婦此
二篇並是婦答而云贈婦皆誤也李氏呂向並云爾
此二篇之所以誤者按玉堂新詠作陸雲爲顧彥先
贈婦往反四首第一首是贈婦第二首婦答第三首